



ს ა ქ ა რ თ ვ ე ლ ო
ოზურგეთის მუნიციპალიტეტის მერი



ბრძანება:ბ36. 362306017

თარიღი:01/03/2023

2024-2027 წლების პრიორიტეტების დოკუმენტისა და საშუალოვადიანი სამოქმედო გეგმის მომზადება-განახლებისა და 2024 წლის ბიუჯეტის პროექტის მომზადების მიზნით განსახორციელებელი ღონისძიებათა შესახებ

საქართველოს ორგანული კანონი „ადგილობრივი თვითმმართველობის კოდექსი“-ს 54-ე მუხლის პირველი პუნქტის “ე.ე“ ქვეპუნქტისა და „საქართველოს საბიუჯეტო კოდექსი“-ს 76-ე მუხლის 3-ე პუნქტის საფუძველზე,

ვ ბ რ ძ ა ნ ე ბ :

მუხლი 1.

საქართველოს საბიუჯეტო კოდექსის 76-ე მუხლის შესაბამისად, ოზურგეთის მუნიციპალიტეტის 2024-2027 წლების პრიორიტეტების დოკუმენტისა და საშუალოვადიანი სამოქმედო გეგმის მომზადება-განახლებისა და 2024 წლის ბიუჯეტის მომზადებისთვის საჭირო ღონისძიებების განხორციელების მიზნით შეიქმნას სამუშაო ჯგუფი (შემდგომში ჯგუფი) შემდეგი შემადგენლობით:

- ა) ავთანდილ თალაკვაძე- ოზურგეთის მუნიციპალიტეტის მერი - თავმჯდომარე;
- ბ) გიორგი ღურჯუმელიძე - ოზურგეთის მუნიციპალიტეტის მერის პირველი მოადგილე - თანათავმჯდომარე;
- გ) ნათია გოლიაძე - ოზურგეთის მუნიციპალიტეტის მერის მოადგილე;
- დ) ნიკა ბოლქვაძე - ოზურგეთის მუნიციპალიტეტის მერის მოადგილე;
- ე) პავლე ჭყონია - ოზურგეთის მუნიციპალიტეტის მერიის საფინანსო-საბიუჯეტო სამსახურის უფროსი - სამუშაო ჯგუფის კოორდინატორი;
- ვ) გიორგი ჩაგანავა - ოზურგეთის მუნიციპალიტეტის მერიის საფინანსო-საბიუჯეტო სამსახურის საბიუჯეტო განყოფილების უფროსი;
- ზ) გოჩა აბაშაძე - ოზურგეთის მუნიციპალიტეტის მერიის ინფრასტრუქტურის, სივრცითი მოწყობის და ტრანსპორტის სამსახურის უფროსის მოვალეობის შემსრულებელი;
- თ) ლალი სიჭინავა - ოზურგეთის მუნიციპალიტეტის მერიის განათლების, კულტურის, სპორტისა და ახალგაზრდობის საქმეთა სამსახურის უფროსი;
- ი) თამარ ბაქანიძე - ოზურგეთის მუნიციპალიტეტის მერიის ეკონომიკური განვითარების სამსახურის, ქონების მართვის განყოფილების უფროსის მოვალეობის შემსრულებელი;
- კ) ხათუნა სურგულაძე - ოზურგეთის მუნიციპალიტეტის მერიის ეკონომიკური

განვითარების სამსახურის, საინვესტიციო პროექტების განყოფილების უფროსი;

ლ) ნატალია ხომერიკი - ოზურგეთის მუნიციპალიტეტის მერიის კულტურის, სპორტისა და ახალგაზრდობის განყოფილების უფროსი;

მ) მაიზერ ცელაძე - ოზურგეთის მუნიციპალიტეტის მერიის ჯანმრთელობის დაცვისა და სოციალური სერვისების სამსახურის, ჯანმრთელობის დაცვისა და სოციალური სერვისების განყოფილების უფროსი;

ნ) ნინო ჭანიშვილი - ოზურგეთის მუნიციპალიტეტის გენდერული თანასწორობის საბჭოს თავმჯდომარე; საკრებულოს თავმჯდომარის მოადგილე;

ო) სამუშაო ჯგუფის მუშაობაში მონაწილეობის მიღება ეთხოვს ოზურგეთის მუნიციპალიტეტის საკრებულოს კომისიის თავმჯდომარეებსა და ფრაქციების თავმჯდომარეებს;

2. სამუშაო ჯგუფის არამუდმივი წევრები:

ა) ოზურგეთის მუნიციპალიტეტის ადმინისტრაციულ ერთეულში მერის წარმომადგენლები;

ბ) ოზურგეთის მუნიციპალიტეტის მიერ დაფუძნებული კერძო სამართლის იურიდიული პირების ხელმძღვანელები;

გ) ოზურგეთის მერის სამოქალაქო მრჩეველთა საბჭოს წარმომადგენელი;

დ) არასამთავრობო ორგანიზაციების წარმომადგენელი /წარმომადგენლები;

ე) სხვადასხვა დარგის სპეციალისტები;

ვ) ეთხოვს გურიის მხარეში სახელმწიფო რწმუნებულის ადმინისტრაციას, უზრუნველყოს მათი წარმომადგენლის ჩართვა სამუშაო ჯგუფის მუშაობაში.

მუხლი 2.

სამუშაო ჯგუფი იკრიბება თვეში ორჯერ, სადაც განხილული იქნება განხორციელებული აქტივობები და დაიგეგმება შემდგომი ღონისძიებები.

მუხლი 3.

ოზურგეთის მუნიციპალიტეტის მერიის საფინანსო-საბიუჯეტო სამსახურის უფროსმა, მერიის სამსახურებთან ერთად, უზრუნველყოს ოზურგეთის მუნიციპალიტეტის 2024-2027 წლის პრიორიტეტების დოკუმენტისა და 2024 წლის ბიუჯეტის შემუშავების პროცესში სამუშაო ჯგუფის კოორდინაცია, საჭიროების მიხედვით ჯგუფის მუშაობაში არამუდმივი წევრების მოწვევა და საბიუჯეტო ორგანიზაციებისათვის შესაბამისი მეთოდოლოგიური კონსულტაციების გაწევა.

მუხლი 4.

სამუშაო ჯგუფს დაევალოს მუნიციპალიტეტის 2024-2027 წლების პრიორიტეტების დოკუმენტისა და 2024 წლის ბიუჯეტის მომზადების პროცესში საპილოტე პროგრამებსა და ქვეპროგრამებში გენდერული ასპექტების გათვალისწინებისთვის საჭირო სამუშაოების დაგეგმვა, განხორციელება და მონიტორინგი.

მუხლი 5.

არაუგვიანეს 2023 წლის 1 აგვისტომდე სამუშაო ჯგუფმა მოქალაქეთა აქტიური ჩართულობით, უზრუნველყოს მოსახლეობის საჭიროებებისა და პრიორიტეტების გამოკვეთა და შესაძლებლობის მიხედვით მათი 2024-2027 წლების პრიორიტეტების დოკუმენტისა და საშუალოვადიანი სამოქმედო გეგმის პირველად ვერსიაში გათვალისწინება.

მუხლი 6.

ა) არაუგვიანეს 2023 წლის 15 აგვისტომდე სამუშაო ჯგუფი უზრუნველყოფს საქართველოს ფინანსთა სამინისტროს მიერ მოწოდებული დასაგეგმი საბიუჯეტო წლის ძირითადი პარამეტრების შესაბამისად პრიორიტეტების დოკუმენტის გადამუშავებას და მერისთვის წარდგენას;

ბ) იმ შემთხვევაში, თუ შერჩეული პროგრამების საერთო ჯამი აღემატება საქართველოს ფინანსთა სამინისტროს მიერ მოწოდებული დასაგეგმი საბიუჯეტო წლის ძირითად პარამეტრებს, სამუშაო ჯგუფი უზრუნველყოფს ზღვრულ მოცულობაზე ზემოთ არსებული პროგრამების რანგირებას და მერისთვის წარდგენას.

მუხლი 7.

არაუგვიანეს 2023 წლის 1 სექტემბრამდე სამუშაო ჯგუფმა უზრუნველყოს 2024-2027 წლების საშუალოგადაიანი სამოქმედო გეგმის გადამუშავება.

მუხლი 8.

არაუგვიანეს 2023 წლის 15 ოქტომბრამდე საქართველოს ფინანსთა სამინისტროს მიერ მოწოდებული დასაგეგმი საბიუჯეტო წლის ძირითადი პარამეტრების (გადამუშავებული) შესაბამისად, სამუშაო ჯგუფმა უზრუნველყოფს 2024-2027 წლების პრიორიტეტების დოკუმენტისა და საშუალოგადაიანი სამოქმედო გეგმის გადამუშავება და მერისთვის წარდგენა.

მუხლი 9.

არაუგვიანეს 2023 წლის 25 ოქტომბრამდე სამუშაო ჯგუფმა უზრუნველყოფს 2024-2027 წლების პრიორიტეტების დოკუმენტისა და 2024 წლის ბიუჯეტის პროექტის გაცნობა დაინტერესებული მხარეებისათვის.

მუხლი 10.

არაუგვიანეს 2023 წლის 10 ნოემბრამდე სამუშაო ჯგუფმა უზრუნველყოფს 2024-2027 წლების პრიორიტეტების დოკუმენტის, საშუალოგადაიანი სამოქმედო გეგმისა და 2024 წლის ბიუჯეტის პროექტის საბოლოო ვარიანტის წარდგენა მერისათვის.

მუხლი 11.

დამტკიცდეს

ა) პროგრამულ ბიუჯეტში გენდერული ასპექტების გათვალისწინებისთვის საჭირო აქტივობების განხორციელების კალენდარი დანართი 1-ის შესაბამისად;

ბ) 2024-2027 წლების ოზურგეთის მუნიციპალიტეტის პრიორიტეტების დოკუმენტის პირველადი და საბოლოო ვერსიისთვის პრიორიტეტების სტრუქტურის ფორმა დანართი 2-ის შესაბამისად;

გ) პროგრამების სტრუქტურის ფორმა პროგრამული ბიუჯეტისა და პრიორიტეტების დოკუმენტისთვის დანართი 3-ის შესაბამისად;

დ) საბიუჯეტო ორგანიზაციების მიერ მოსაწოდებელი ინფორმაციის ნუსხა დანართი 4-7 შესაბამისად;

ე) წლიური ბიუჯეტისა და პროგრამების შესრულების ანგარიშის ფორმები 8-9 დანართების შესაბამისად;

მუხლი 12.

დაევალოს ოზურგეთის მუნიციპალიტეტის მერიის საფინანსო-საბიუჯეტო სამსახურის ხელმძღვანელს ერთი თვის ვადაში შეიმუშაოს:

ა) შიდა საბიუჯეტო კალენდარი საბიუჯეტო კოდექსისა და ამ ბრძანებით განსაზღვრული ვადების შესაბამისად;

ბ) ინსტრუქცია მოქალაქეებისაგან ახალი პროგრამების ინიცირების უზრუნველსაყოფად;

გ) რეკომენდაციები ახლად შემოთავაზებული პროგრამების პრიორიტეტულობასა და ხელმისაწვდომობასთან დაკავშირებით;

მუხლი 13.

ბრძანება შეიძლება გასაჩივრდეს ოზურგეთის რაიონულ სასამართლოში, მისამართზე: ქ.ოზურგეთი, ი.სიორიძის ქუჩა №14, მისი ოფიციალური გაცნობიდან ერთი თვის ვადაში „საქართველოს ადმინისტრაციული საპროცესო კოდექსი“-ს VIII თავის 22-ე მუხლის მე-3 ნაწილის შესაბამისად;

მუხლი 14.

ამ ბრძანების ამოქმედებისთანავე ძალადაკარგულად გამოცხადდეს „ 2023-2026 წლების პრიორიტეტების დოკუმენტისა და საშუალოვადიანი სამოქმედო გეგმის მომზადება-განახლებისა და 2023 წლის ბიუჯეტის პროექტის მომზადების მიზნით განსახორციელებელი ღონისძიებათა შესახებ“ ოზურგეთის მუნიციპალიტეტის მერის 2022 წლის 02 მარტის №ბ36.362206111 ბრძანება.

მუხლი 15.

ბრძანება ძალაშია ხელმოწერისთანავე.

ავთანდილ თალაკვაძე

ოზურგეთის მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

